

欽定元史

十史十卷
一六九五

元史卷五十九

明翰林學士亞中大夫知制誥兼修國史宋 濂等修

地理志第十一

地理二

遼陽等處行中書省爲路七府一屬州十二屬縣十徒
存其名而無城邑者不在此數

本省計站一百二十處

遼陽路

上

唐以前爲高句驪及渤海大氏所有梁貞

明中阿保機以遼陽故城爲東平郡後唐升爲南京
石晉改爲東京金置遼陽府領遼陽鶴野二縣後復
改爲東京宜風澄復蓋瀋貴德州廣寧府來遠軍並

屬焉元初廢貴德澄復州來遠軍以廣寧府婆娑府
懿州蓋州作四路直隸省至元六年置東京總管府
降廣寧爲散府隸之十五年割廣寧仍自行路事直
隸省十七年又以婆娑府懿州蓋州來屬二十四年
始立行省二十五年改東京爲遼陽路後廢婆娑府
爲巡檢司戶三千七百八口萬三千二百三十一

壬子年抄籍數

領縣一州二

縣一

遼陽

下倚郭至元六年以鶴野縣警巡院入焉

州二

蓋州

下

初爲蓋州路至元六年併爲東京支郡併

熊岳陽池二縣入建安縣八年又併建安縣入本

州

懿州

下

初爲懿州路至元六年爲東京支郡所領

豪州及同昌靈山二縣省入順安縣入本州

廣寧府路

下

金爲廣寧府元封孛魯古互爲廣寧王

舊立廣寧行帥府事後以地遠遷治臨潢立總管府

至元六年以戶口單寡降爲東京路總管府屬郡十

五年復分爲路行總管府事

有醫巫閭山爲北鎮在府城西北二十里至順

錢糧戶數四千五百九十五

領縣二閭陽

下初立千戶所至元十五年以戶口繁夥復立

行千戶所後望平至元六年省鐘秀縣入焉十五年爲望平軍民千戶所今復爲

縣肇州

按哈刺八都魯傳至元三十年世祖謂哈刺八都魯曰乃顏故地曰阿八刺忽者產

魚吾今立城而以元速憖哈納思乞里吉思三部人居之名其城曰肇州汝往爲宣慰使旣至定市里安民居得魚九尾皆千斤來獻又成宗紀元貞元年立肇州屯田萬戶府以遼陽行省左丞阿散領其事而大一統志與經世大典皆不載此州不知其所屬所領之詳今以廣寧爲乃顏分地故附注於廣寧府之下乃顏孛魯古歹之孫也

山北遼東道肅政廉訪司

大寧路

上

本奚部唐初其地屬營州貞觀中奚酋可

度內附乃置饒樂郡遼爲中京大定府金因之元初爲北京路總管府領興中府及義瑞興高錦利惠川

建和十州中統三年割興州及松山縣屬上都路至
元五年併和州入利州爲永和鄉七年興中府降爲
州仍隸北京改北京爲大寧二十五年改爲武平路
後復爲大寧戶四萬六千六口四十四萬八千一百
九十三

壬子年數

領司一縣七州九

錄事司

初置警巡院至元二年改置錄事司

縣七

大定

下中統二年省長興入焉

龍山

下初屬大定府至元四年屬利州後復來屬

富

庶

下至元三年省入興中州後復置

和衆

下

金源

下惠和

武平

下

州九

義州

下

興中州

下

元初因舊爲興中府後省至元七年又

降府爲州

瑞州

下至元二十三年伯顏奏准以唆都哈解等拘收戶計種田立屯於瑞州之西撥瀕海荒

閒地及時開耕設打捕屯田總管府仍以唆都哈解等爲屯田官

高州

下

錦州

下

利州

下

惠州

下

川州

下

建州

下

東寧路本高句驪平壤城亦曰長安城漢滅朝鮮置樂浪玄菟郡此樂浪地也晉義熙後其王高璉始居

平壤城唐征高麗拔平壤其國東徙在鴨綠水之東南千餘里非平壤之舊至王建以平壤爲西京元至元六年李延齡崔垣玄元烈等以府州縣鎮六十城來歸八年改西京爲東寧府十三年升東寧路總管府設錄事司割靜州義州麟州威遠鎮隸婆娑府本路領司一餘城堙廢不設司存今姑存舊名

錄事司 土山縣 中和縣 鐵化鎮

都護府自唐之季地入高麗置府州縣鎮六十餘城此爲都護府雖仍唐舊名而無都護府之實至元六年李延齡等以其地來歸後城治廢毀僅存

其名屬東寧路

定遠府

郭州

撫州

黃州

領安岳三和龍岡咸從江西五縣長

命一鎮

靈州

慈州

嘉州

順州

殷州

宿州

德州

領江東永清通海順化四縣寧遠柔遠安戎三鎮

昌州

鐵州

領定戎一鎮

泰州

价州

朔州

宣州

領寧朔蓆

島二鎮

成州

領樹德一鎮

熙州

孟州

領三登一縣椒島椒島寧

得三鎮

延州

領陽巖一鎮

雲州

瀋陽路本挹婁故地淳海大氏建定理府都督瀋定二州此爲瀋州地契丹爲興遼軍金爲昭德軍又更顯德軍後皆燬於兵火元初平遼東高麗國麟州神

騎都領洪福源率西京都護龜州四十餘城來降各
立鎮守司設官以撫其民後高麗復叛洪福源引衆
來歸授高麗軍民萬戶徙降民散居遼陽瀋州初創
城郭置司存僑治遼陽故城中統二年改爲安撫高
麗軍民總管府及高麗舉國內附四年又以質子淳
爲安撫高麗軍民總管分領二千餘戶理瀋州元貞
二年併兩司爲瀋州等路安撫高麗軍民總管府仍
治遼陽故城轄總管五千戶二十四百戶二十五
至順
錢糧戶數五千
一百八十三

開元路古肅慎之地隋唐曰黑水靺鞨唐初渠長阿

固郎始來朝後乃臣服以其地爲燕州置黑水府其
後渤海盛靺鞨皆役屬之又其後渤海浸弱爲契丹
所攻黑水復擅其地東瀕海南界高麗西北與契丹
接壤卽金鼻祖之部落也初號女真後避遼興宗諱
改曰女直太祖烏古打旣滅遼卽上京設都海陵遷
都於燕改爲會寧府金末其將蒲鮮萬奴據遼東元
初癸巳歲出師伐之生禽萬奴師至開元恤品東土
悉平開元之名始見於此乙未歲立開元南京二萬
戶府治黃龍府至元四年更遼東路總管府二十三
年改爲開元路領咸平府後割咸平爲散府俱隸遼

東道宣慰司

至順錢糧戶數四千三百六十七

咸平府古朝鮮地箕子所封漢屬樂浪郡後高麗侵有其地唐滅高麗置安東都護以統之繼爲渤海大氏所據遼平渤海以其地多險隘建城以居流民號咸州安東軍領縣曰咸平金升咸平府領平郭安東新興慶雲清安歸仁六縣兵亂皆廢元初因之隸開元路後復割出隸遼東宣慰司

合蘭府水達達等路土地曠闊人民散居元初設軍民萬戶府五撫鎮北邊一曰桃溫距上都四十里一曰胡里改距上都四千二百里大都三千八百里

有胡

里改江并混同江又有一日幹朶憐一日脫幹憐一日
有合蘭河流入于海

孛苦江各有司存分領混同江南北之地其居民皆
水達達女直之人各仍舊俗無市井城郭逐水草爲
居以射獵爲業故設官牧民隨俗而治有合蘭府水

達達等各以相統攝焉

有俊禽曰海東青由海外飛
來至奴兒干土人羅之以爲

土貢至順錢糧戶
數二萬九百六

河南江北等處行中書省爲路十二府七州一屬州三
十四屬縣一百八十二

本省陸站一百六處水站
九十處

河南江北道肅政廉訪司

汴梁路

上

唐置汴州總管府石晉爲開封府宋爲東

京建都於此金改南京宣宗南遷都焉金亡歸附舊
領歸德府延許裕唐陳亳鄧汝潁徐邳嵩宿申鄭鈞
睢蔡息盧氏行襄樊二十州至元八年令歸德自爲
一府割亳徐邳宿四州隸之升申州爲南陽府割裕
唐汝鄧嵩盧氏行襄樊隸之九年廢延州以所領延
津陽武二縣屬南京路統蔡息鄭鈞許陳睢潁八州
開封祥符倚郭而屬邑十有五舊有警巡院十四年
改錄事司二十五年改南京路爲汴梁路二十八年
以潁河而南大江以北其地衝要又新入版圖置省
南京以控治之三十年升蔡州爲汝寧府屬行省割

息潁二州以隸焉本路戶三萬一十八口一十八萬
四千三百六十七壬子年數領司一縣十七州五州領二
十一縣

錄事司

縣十七

開封

下倚郭

祥符

下倚郭

中牟

下

原武

下舊以此縣隸延州元初隸開

封府

後復爲延州縣如舊至元九年州廢後來屬

鄆陵

中

榮澤

下舊隸鄭州至元二

年來

封丘

中金大定中河水湮沒遷治新城元初屬新封丘又爲河水所壞乃因故城遺址稍

加完葺而

遷治焉

扶溝

下

陽武

下舊隸延州至元九年州廢來屬

杞縣

中

初河決城之北面爲水所圯遂爲大河之道乃於故城北二里河水北岸築新城置縣繼又脩故城

號南杞縣蓋黃河至此分爲三其大河流於二城之間其一流於新城之北郭睢河中其一在故城之南東流俗稱三叉口

延津

下舊爲延州隸河南路至元九年州廢以縣來屬

蘭陽

下通許

下

尉氏

下

太康

下

洧川

下

陳留

下

州五

鄭州

下

唐初爲鄭州又改滎陽郡宋爲奉寧軍金

仍爲鄭州元初領管城滎陽汜水河陰原武新鄭

密滎澤八縣及司候司後割新鄭密屬鈞州滎澤

原武隸開封府併司候司入管城領四縣管城

下倚

郭

滎陽

下

汜水

下

河陰

下

許州

下

唐初爲許州後改潁川郡又仍爲許州宋

升潁昌府金改武昌軍元初復爲許州領五縣長

社

下長葛 下鄆城 下襄城 下臨潁 下

陳州

下唐初爲陳州後改淮陽郡又仍爲陳州宋

升懷德府金復爲陳州元初因之舊領宛丘南頓

項城商水西華清水六縣至元二年南頓項城清

水皆廢後復置南頓項城領五縣宛丘 西華商

水

至元二年省南頓項城入焉後復置南頓項城

鈞州

下唐宋皆不置郡僞齊置潁順軍金改順州

又改鈞州元至元二年又割鄭州密縣來屬領三

縣陽翟

下新鄭 下密雲 下